

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





佛說無量門微密持經  
佛說出生無量門持經

吳月氏國優婆塞支謙  
東晉天竺三藏法師佛陀跋陀羅  
譯

佛說無量門微密持經、佛說出生無量門持經





清刻龍藏佛說法變相圖

二經同卷

佛說無量門微密持經

佛說出生無量門持經

莫七

佛說無量門微密持經

莫七

吳月氏國優婆塞支謙譯

聞如是一時佛遊於維耶離國大樹精舍佛告賢者大目捷連汝行請諸遊三千大千世界比丘為弟子行及菩薩行者使會目連受教步須彌頂以道神力周徧佛界聲告使知應時精舍有四十萬比丘會復現神足令是天下倚行比丘悉會精舍稽首畢一面住佛復告慧見菩薩敬首菩薩除憂菩薩虞界菩薩去蓋菩薩闍音菩薩殆棄菩薩眾手菩薩

辯立菩薩慈氏菩薩汝等行請十方無央數  
佛國諸一生補處無所從生法忍及不退轉  
信解菩薩悉令會此即皆受教而為感應應  
時有八百億一生補處菩薩三百億得無所  
從生法忍菩薩百億不退轉菩薩六百億信  
解菩薩皆乘佛旨神足來會賢者舍利弗見  
大衆會心念當問如來妙行演現其要令諸  
菩薩一切望畢得無礙辯逮聞十方無數刹  
土諸佛說法念不中忘至於無上正真之道  
為最正覺疾使菩薩得四清淨何等為四一  
曰人淨二曰法淨三曰慧淨四曰佛國嚴淨  
亦疾使菩薩得四願悅何等為四一曰身和  
悅二曰言和悅三曰意和悅四曰滅和悅已  
得四願悅便入四持門何等為四一曰如文  
行入持門二曰內深忍入持門三曰解人根

得入持門四曰知行報善入持門舍利弗思  
念是菩薩清淨無量慧地欲令佛說於是佛  
語舍利弗讚言善哉意至欲使諸菩薩疾成  
持行若舍利弗菩薩行此持要句者疾入無  
量之門得微密持謂是無為無向如正意解  
為應為滅內明順道為履上迹如微妙行不  
動寂靜無意無生微密無垢清淨自然惟無  
惟無所著光明悅懌果而大勇為美譽動無  
動以正動近道因能善譽遊無罣礙入諸法  
門強而有勢光大照遠解等意無不入不斷  
持實如是舍利弗行持菩薩非有數也行無  
數法為不以知故諸法斷覺而不作不見合  
法離不見起不見滅不有去來現在之知亦  
不知法已成未成隨佛念行不念相亦不好  
亦不種性不羣從不方土不勞盡不已知無

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



不知不人淨不說法不我利不彼利不法不  
律不行不除不念身不念人於一切法行無  
受者名為念佛為一切法之正歸也為是無  
畏持義之藏妙願已滿上道已備調靜諸定  
一切德本不由彼致自從法生種性相好其

行自然無邪行無斷行是為菩薩能學無量  
門微密之持為不退轉於無上正真之道所  
以者何是從眾之生之行而致無量得行之持  
於是佛說偈言

法空無望得莫七為道莫自恣三奉經而不亂  
是則疾得持三是經義為妙三持無極常念  
學聞思慧者三可得成道行三菩薩得此持  
常行精進者三十方彼諸佛三說法輒得聞  
一切能受持三執義正不忘三意解如日明  
自恣微妙行三至於無上法三弘大持之門

一切是得向三為能擁護經三正使一切人  
盡劫共難問三悉能解諸結三其智不可極  
是生上道署三得為法王子三常厚護持法  
內性好斯經三菩薩所敬重三十方佛亦愛  
名譽蓋於世三行此為無量三八十億諸佛  
終時悉得見三一切皆授手三接行此持者  
若於往千劫三而為不善行三一日可以除  
但當守此經三菩薩所興福三億劫來積聚  
善誦是持者三一日可與等三念意而強意  
思惟此上持三向行眾德本三必成至覺道  
假使三界人三一切悉為魔三不能中得害  
唯行此經者三是說幻如諦三為極法之要  
諸佛自此出三道意所由生三昔吾學道時  
得決於定光三如恒沙等佛三我悉於中見  
欲聞十方佛三所說悉覺識三當專習是經

一切可疾得 若願嚴佛國 合成弟子衆  
 光相及種好 當從是經得 能除放逸念  
 七日專唯是 八十億佛臻 共授以此持  
 不以意思意 亦不思無意 意而不有思  
 然後可得持 宜熟解此經 勿有望於道  
 得此持如海 不復勤於財 欲安諸天人  
 一切願無難 此爲道之生 但當正意行  
 又舍利弗菩薩有四法行疾得是持何等爲  
 四以厭惡於愛欲以無賊害於衆生以一切  
 有而爲布施以無疲厭晝夜樂法復有四法  
 行疾得是持何等爲四能習山澤居內行深  
 法忍不慕彼利養行無量施不惜軀命復有  
 四法行疾得是持何等爲四一曰入八字義  
 八字義者謂迹敏惟棄悲調滅忍當書持是  
 二曰誦說常以調音三曰內性合是法要四

曰勸行大道之行菩薩如此爲疾得持於是  
 佛說偈曰  
 當棄欲苦行 遠捨愚癡地 無自恣作惡  
 惡令墮惡道 是不作彼近 不知利譽事  
 愛眼視衆人 必貴如得色 衆人之有諍  
 皆由貪爲本 故盡汲汲劇 棄是乃得持  
 欲法者晝夜 捨異惟道求 得持而心向  
 是以常見經 閑居習佛教 住此不知彼  
 深忍却放逸 常如救頭然 法不倚知利  
 亦不有身求 見失當棄利 人以利爲行  
 快哉得佛教 捨家離衆苦 信者成道學  
 敬佛法爲智 智士不貪利 何況行法者  
 佛從遠斯成 故當捨利求 當思八字義  
 善書持是經 常誦用調已 亦以開化人  
 得坐大智署 一切見十方 無量佛在前



勸成其道欲

又舍利弗菩薩有四德爲是持何等爲四一  
曰常念諸佛二曰不有邪行三曰疾除行蓋  
四曰得入無量門微密之持有昔舍利弗往  
無央數劫不可計劫時有佛名寶首燿王號  
如來至眞等正覺明行成爲善逝世間解無  
上士道法御天人師爲佛衆祐度人無量臨  
滅度時世有轉輪王名光乘其太子曰無念  
德首年千六百歲從佛聞得此持而即奉行  
又七千歲未曾睡卧又七千歲未曾起身愛  
又七千歲未曾念財利又七千歲一心念行  
未曾傾倚於是則見九十億佛悉聞說法皆  
從受持便作沙門積九萬歲以是無量門微  
密之持解說衆人於一世中成就八十億人  
使行無上正眞之道誘進出家立不退轉地

彼時衆中有尊者子名爲月行聞是法要盡  
心願樂以此德本值七十億佛皆從得上持  
逮諸菩薩無量之辯其後三劫悉見諸佛三  
劫末時月行得佛名曰錠光號如來至眞等  
正覺明行成爲善逝世間解無上士道法御  
天人師爲佛衆祐又彼太子無念德首講說  
法者則今西方無量壽佛是此賢劫中諸菩  
薩聞是法願樂者皆得除後四十萬劫生死  
之行又是學者欲疾作佛若後得是經如有  
願樂道行之意則是當立不退轉地必爲無  
上正眞之道何況書持誦行一切人民莫能  
稱量說其福也於是佛說偈言  
常惟念佛者 衆邪不得便 行蓋欲疾除  
得妙無量持 聞經心願樂 書持敬諷誦  
天人莫能計 福廣無有量 所生輒見佛

信向不迴動英七 體解深經要 疾覺無上道六

得持惡道斷 不失定大財 色好常見佛

即至無上道 尊者子聞持 即追識宿命

見佛九十億 得道如其願 若欲疾成佛

道力降諸魔 欲滿百福相 行此非有難

如滿江沙刹 積寶以布施 比書持此福

終不得為比

是舍利弗菩薩行持者有八大神在雪山中

共視護之其名曰勇決神果強神饒裕神雄

猛神體行神清淨神難勝神多安神斯神必

來下常當澡浴淨其被服正色經行慈念衆

生思是經要神面不遠必安定誦復有八菩

薩今在欲行天常當存念其名曰無愛天無

悅可天智光天懷金天積習天願滿天星王

天行審天斯皆敏行此持者也當諦惟持而

常恭敬以如應行微妙法忍不得輒輕試說

時恒沙等菩薩皆得是持而不退轉六十姪

天與人未發道意今皆發無上正真之道賢

者舍利弗白佛言以何名此經佛言是法之

要名無量門微密之持一名成道降魔得英七

切智當奉持之佛說是已皆歡喜受七

佛說無量門微密持經

佛說出生無量門持經

東晉天竺三藏法師佛陀跋陀羅譯

如是我聞一時佛在毗舍離大林精舍重閣講堂與大比丘衆四萬人俱爾時世尊已捨壽行却後三月當般涅槃便告長老目犍連汝行徧告三千大千世界聲聞比丘并緣覺道及諸菩薩皆悉來會大林精舍重閣講堂目連受教往須彌頂入如意定以大音聲徧告三千大千世界無不聞知長老舍利弗作是念我今亦當入如意定普請依止閻浮提內諸比丘皆悉來會大林精舍重閣講堂作是念已即如其像入乎三昧徧請諸比丘依止閻浮提者皆來集會爾時大林精舍重閣講堂有三百萬比丘衆會於是世尊告現無癡菩薩文殊師利童子離惡趣菩薩無憂

冥菩薩離陰蓋菩薩寂諸境界菩薩觀世音菩薩香象菩薩無量辯菩薩彌勒菩薩汝等善男子行詣十方恒河沙諸佛國土遍告諸一生補處菩薩不退轉菩薩不起法忍菩薩信解菩薩皆悉來集大林精舍重閣講堂是諸菩薩即受教行徧告十方恒沙佛土諸一生補處菩薩及不退轉不起法忍信解菩薩皆來集會大林精舍重閣講堂是時大林精舍重閣講堂有八十億百千一生補處菩薩一億百千得不退轉三十億菩薩得不莫七起法忍六十億菩薩得信解脫是諸大士一時來會大林精舍重閣講堂爾時尊者舍利弗見諸菩薩大衆雲集便作是念我當承佛威神敬問世尊今諸菩薩得離疑網疾成甚深無礙辯才遠聞十方恒沙刹土諸佛說法

念持不忘疾成無上正真之道爲最正覺又使菩薩得四無盡清淨法門何等爲四一曰衆生淨二曰法淨三曰辯才淨四曰佛土嚴淨得四最勝和悅之法何等爲四一曰身和悅二曰口和悅三曰意和悅四曰方便和悅疾成四種微妙持門何等爲四一曰出生無量門持二曰甚深法忍持三曰善於衆生諸根持四曰善於衆生因果持尊者舍利弗思惟是菩薩清淨無量慧地欲令佛說即以是義上問世尊於是世尊讚舍利弗言善哉善哉舍利弗乃能爲諸菩薩問如是義汝舍利弗諦聽諦聽善思念之我今當說菩薩所行疾成無上正真之道甚深功德若舍利弗欲得一切智知一切法者當學此門持當學此持句所謂無句正句普句成就樂說光明順

道善分別究竟分別堅固所說堅固伊羅伊梨伊羅悉諦旃貳爲履止迹不動寂靜離諸怨敵熾然永滅出生無垢清淨自性巧說諸有者無所有無所著善能降伏光明離垢善自攝持果而大勇得大名稱動無動以正動難堅固善住安隱遊無礙著開諸法門隨順所應強而有勢精進勇猛得方便力大光普照明曜無垢意解平等普無不入事無不逝此善妙持諸佛所住如是舍利弗行持菩薩於數無數不以分別亦無所得於諸斷法增進功德而無所作亦無不作不見諸法有合有離有起有滅亦無去來現在之知亦不知法有力無力修行念佛不念相好不念種性亦不念眷屬不戒不定不慧不解脫亦無解脫度知見念無住無得不盡煩惱不以知無



不知不言說法不淨衆生不我故非彼故不  
 法不律不威儀無清淨不念身不念意無涅  
 槃究竟亦不念過去當來今現在不因已不  
 因他於一切法行無受者舍利弗是名執受  
 一切諸法隨順念佛名爲一切諸法所入無  
 畏持門微妙句義一切所欲皆悉周備名爲  
 隨順一道三昧亦名一切善本不由他得種  
 姓相好因自法生名爲正覺度諸魔事舍利  
 弗是爲菩薩出生無量門持其有聞是持者  
 皆於阿耨多羅三藐三菩提得不退轉所以  
 者何從是門持究竟一切諸佛功德悉能分  
 別一切衆生之所行處得無所得故名出生  
 無量門持爾時世尊而說偈言  
 法空無疑惑 爲道不放棄 法性無妄想  
 是行疾得持 是經如所說 彼持無有盡

從是生妙智	疾成無上道	若得此持者
菩薩無所畏	十方佛說法	如所說悉聞
一切能受持	義味悉具足	日生無量光
持生智如是	乃至無上法	微妙諸持門
一切從是句	當善護此經	正使一切人
窮劫思難問	悉能決定疑	其智不可盡
近無上道法	爲眞法王子	持法者親厚
常念斯經故	衆生所敬重	十方佛護念
名稱遍十方	執持此經故	八十億諸佛
臨終悉能見	一切皆授手	接此持經者
若於億千劫	造諸不善業	一月可以除
當受誦此經	菩薩所興福	億劫來積聚
善誦此持經	一月等於彼	念力精進力
三昧勝妙持	悉能現在前	疾成最正覺
三界衆生類	一切悉爲魔	不能令中斷

修習是經者	從彼誠諦說	從彼究竟法
從彼得成道	逮得一切智	昔聞此持故
定光授我決	恒沙等諸佛	即時悉能現
欲聞十方佛	所說悉能解	當專習是持
一切疾得成	莊嚴佛國土	清淨衆成就
光明及種性	<small>莫七</small> 當從是經得	<small>十一</small> 得除心放逸
七日專思念	八十億諸佛	俱來授此經
不思思所思	亦不思無思	此思亦無思
從是疾得成	尊崇是經教	於道莫疑惑
譬如大海中	不應疑無寶	欲安諸天人
一切願不難	此爲道心生	但當正意行
復次舍利弗菩薩成就四法疾得是持何等		
爲四獸離愛欲不生嫉心於一切衆生施一		
切有晝夜求法心不懈倦爾時世尊而說偈		
言		

獸離於色欲	魔界地獄緣	放逸造衆惡
惡令墮惡道	於他不起妬	不爲作名稱
愍愛視衆生	尊貴色端嚴	衆生起怨諍
皆以貪爲本	是故當捨愛	愛捨成妙持
晝夜常樂法	推異推道求	專精求道者
疾得成妙持		
又舍利弗菩薩復有四法成就疾得是持何		
等爲四閑居寂志得深法忍不求利養一切		
內外盡施無遺是爲四爾時世尊而說偈言		
閑居寂志無所譽	自守空靜不輕彼	
常樂修習深法忍	如救頭然不放逸	
不求名譽及利養	因斯造諸諂曲行	
處處知足如飛鳥	節身損已修仁行	
快哉得佛教	出家受具戒	捨家離衆苦
導修於佛教	若不得佛教	出家是戒利

信戒施聞慧 皆悉不成就 此過離佛遠  
是故捨貪利

又舍利弗菩薩復有四法成就疾得是持何  
等為四一曰八字是義隨義悉入其中八字  
者波羅婆迦闍陀賒又波者第一義一切諸

莫七

法無我悉來入門羅者相好無相好如來身  
入於法性婆者愚癡之法及智慧法隨順入  
義迦者業行果報及非業行報皆悉究竟隨  
順入義闍者生緣老死皆悉隨入不生不滅  
陀者一切諸持悉隨入空無相無願賒者一  
切諸持皆隨順入又者盡一切諸法悉入於  
如如是八字是義隨義悉入其中二曰善書  
此經執持不捨三曰半月半月誦習此經四  
曰常當供給供養持此經者爾時世尊而說  
偈言

當思八字義 善書持此經 半月次來誦  
勸發行持者

一切十方恒沙國 無量諸佛在其前  
得坐道場妙相滿 當勤修習此持行

復次舍利弗菩薩學此持者得四功德利何  
等為四一者十方諸佛所念二者離諸魔事  
三者惡罪業障疾得清淨四者無礙斷辯才  
皆悉成就是為四爾時世尊而說偈言

諸佛常護念 眾魔不得便 罪業障悉除  
得妙無量持

莫七

十三

佛告舍利弗乃昔過去無數劫時有佛世尊  
號寶首焰王如來應供等正覺明行成善逝  
世間解無上士調御丈夫天人師佛世尊舍  
利弗彼寶首焰王如來臨滅度時有轉輪王  
名曰持光明王四天下快得自在王有太子

名無念德道其初生時形如十六歲童子從  
 彼世尊得聞此持聞此持已專精求學經七  
 千歲不為睡眠之所蔭蓋七千歲中未曾起  
 身愛未曾念王事又七千歲中身不倚卧端  
 坐正受於是即見九十億那由他諸佛從其  
 聞法皆能受持便出家學道九萬歲中以是  
 無量門出生之持廣為人說於一生中成就  
 八十億那由他人立阿耨多羅三藐三菩提  
 心勸進教化令不退轉彼時眾中有長者子  
 名曰月幢得聞是持志心隨喜彼以隨喜善  
 根因緣故常得親近九十億佛得最上持得  
 最上處無量辯才復於三劫親近諸佛三劫  
 末時月幢得佛號燈光如來應供等正覺彼  
 時王子無念德道者今西方無量壽佛是舍  
 利弗我亦與賢劫諸菩薩曾聞此持聞已隨

喜以是隨喜善根因緣除却四十萬劫生死  
 之行又得親近九十億佛是故舍利弗若菩  
 薩摩訶薩欲得疾成阿耨多羅三藐三菩提  
 者於此妙持當勤隨喜隨喜功德乃至菩薩  
 不退轉地作大因緣況復書持受誦如說修  
 行一切人民莫能思量稱說其福爾時世尊  
 而說偈言

聞經心隨喜 書持敬諷誦 天人莫能計  
 福報之限量 生生常見佛 信向不迴動  
 體解深法要 疾覺無上道 三昧不退滅  
 三明總持門 財色常見佛 乃至無上道  
 憶念過去世 長者子聞持 即見九十億  
 那由他諸佛 所求如其願 得成無上道  
 若欲疾成佛 道力降眾魔 欲滿百福相  
 行此非有難 如滿恒沙刹 積寶以布施



比書持此經 終不得為比

又舍利弗菩薩行此持者有八大鬼是雪山之神共護視之其名曰勇健神強力神自在神雄猛神知行神難勝神鳩摩羅神善臂神是為八彼欲令諸神來者當澡浴其身淨其衣服正色經行慈念眾生思是法要如其憶念彼諸神等尋現在前復有八菩薩生欲行天亦常護念何等為八離欲行天子慧光天子如日天子真諦天子願滿天子摩醯首羅天子星王天子如行天子是為八是等菩薩常來護念令彼專精疾得妙持行是持者真實為本而常恭敬當念知恩學深法忍等觀無生無滅之法平等持戒自護兼彼說是法時三十二恒河沙等菩薩尋得是持不退轉於阿耨多羅三藐三菩提六十萬人得不起

莫七

十五

法忍三萬二千天與人皆發無上正真道意是時三千大千世界六種震動天雨眾華普遍世界天諸妓樂不鼓自鳴是時舍利弗白佛言世尊當何名此經佛告舍利弗此經之要名出生無量門持亦名一生補處道行亦名成道降魔得一切智當奉持之說是法時尊者舍利弗及諸十方來會菩薩并諸眾會天與人乾闥婆阿脩羅等聞佛所說皆大歡喜

佛說出生無量門持經

音釋

闕去規切 耀弋照切 錠徒徑切 錠光即然燈佛也

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>

